

Kulturi, qaammarsaaneq ilageeqarnerlu

Kulturi

Katersugaasiviit allagaateqarfiillu

Kalaallit kulturiat kalaallillu inuiaat pillugit oqaluttuarisaanikkut takussutissartaat Nunatta Katersugaasivianit Allagaateqarfianniillu sumiiffinnilu katersugaasivinnit aqunneqarput.

Nunatta Katersugaasivia Allagaateqarfialu nuna tamakkerlugu itsarnisarsiornerup, eqqumiitsuliornerup kusanartuliornerullu iluini suliaasaqarpoq.

Nunatta Allagaateqarfia Kalaallit Nunaanni pisortat suliffeqarfiutaannit inuinnarniillu allagaateqarfimmi toqqorneqartussanik tigusaqartarpoq, oqaluttuarisaanikkullu takussutissat nalunaarsorneqarlutillu paarineqartarput tamanullu takusassiarineqartarlutik. Allagaateqarfik 31.12.2010-mi ilisivinnik 3.574 meterinik takissuseqartuni toqqortaateqarpoq.

Nunatta Katersugaasivia Allagaateqarfialu pillugu paasisutisat erseqqinnerusut uani takuneqarsinnaapput: www.natmus.gl

Illoqarfiit 15-it nammineerlutik katersugaasiveqarput, amerlanertigut nunasiaanerup nalaani oqaluttuarisaanikkut illuutini.

Takussutissiaq 1

Nunatta Katersugaasivianut Allagaateqarfianullu isertut

	2007	2008	2009	2010	2011
Katillugit	14.106	16.764	16.318	17.260	15.271
Meeqqat	2.858	2.868	2.675	2.959	3.348
Inersimasut	11.248	13.896	13.643	14.301	11.923

Najoqqutaq: Nunatta Katersugaasivia Allagaateqarfialu

Nunatta isiginnaartitsisarfia

Nunatta Isiginnaartitsisarfiata anguniagaraa isiginnaartitsisarnerup iluani illuinnarsiortuunngitsumik eqqumiitsuliornikkut qaffasissumik pitsaassuseqartunik isiginnaartitsissutinik sanasarnissaq. Nunatta Isiginnaartitsisarfiata aallaavittut suliaasai kalaallit kulturiannik ileqquinillu tunngaveqartussaapput peqataanillu meeqqaniit utoqqarnut tamatigoortumik oqariartuuteqarsinnaaneq isumagissallugu.

Nunatta Isiginnaartitsisarfiata suliai isiginnaartitsinerit aqutigalugit kikkunnut tamanut saqqummiunneqartassapput, soorlu angalalluni isiginnaartitsiartornikkut, radiokkut tv-kullu aallakaatitsinikkut immiussanillu tuniniaanikkut.

Nunatta Isiginnaartitsisarfiata suliaasaraa isiginnaartitsisartunngorniarfik aqutigalugu isiginnaartitsisartussanik ilinniartitsinissaq.

Erseqqinnerusumik paasissutissat uani takukkit: www.silamiut.gl

Eqqumiitsuliornermik Ilinniarfik

Eqqumiitsuliornermik Ilinniarfik Namminersornerullutik
Oqartussat/Namminersorlutik Oqartussat ingerlataarat. Ilinniarfimmi
ilinniartut assilioriaatsinik ilisimasassanik tunngaviusumik periaatsinillu
ilinniartinneqartarput. Eqqumiitsuliornermik Ilinniarfimmi ilinniartut
amerlanertigut ilusilersuisartutut assilissanillu eqqumiitsuliortutut
ingerlaqqittarput. Eqqumiitsuliornermik Ilinniarfimmi ilinniartuusarneq
assilialiornermut ilinniarfimmi, eqqumiitsuliornermut ilinniarfimmi,
ilusilersuisarnermut ilinniarfimmi assigisaanniluunniit
ilinniartunngornissamut tapiiffigineqarnissamik periarfissiivoq.
Eqqumiitsuliornermik Ilinniarfik pillugu paasissutissat erseqqinnerusut uani
takukkit: www.nanoq.gl

Kalaallit Nunaanni Eqqumiitsuliortut Kattuffiat KIMIK

Kalaallit Nunaanni Eqqumiitsuliortut Kattuffiat assilialianik eqqumiitsuliortut
Kalaallit Nunaanni najugaqartut salliutinnerullugit peqatigiiffiuvoq.
Peqatigiiffiup anguniagaa tassaavoq eqqumiitsuliortut soqutigisaannik
ilaasortallu saqqummersitsinissaannik assigisaannillu suliaqarnissaq.

Eqqumiitsuliortut kattuffiata KIMIK-up ukiut 15-nit piusimanera
nalliuttorsiutigalugu 2011-mi aasakkut Nordatlantens Bryggemi Sila
qulequtaralugu ilaasortat aqqanillit saqqummersitsipput.
Kalaallit Nunaanni Eqqumiitsuliortut Kattuffiat KIMIK pillugu
paasisaqarnerorusukkuit nittartagaq una takuuk: www.kimikart.com

Kulturi pillugu atuagassiaq Nerijsaaq

Atuagassiaq Nerijsaaq kulturi pillugu atuagassiaavoq oqaatsit marluk
atorlugit saqqummersartoq, atuagassiallu anguniagaraa Kalaallit Nunaanni
eqqumiitsuliornerup kulturillu killiffii allaaserlugillu
paasissutissiissutigisarnissaat. Peqatigiiffimmi Nerijsaami inuit
soqutiginninnertik tunngavigalugu suliaqartuupput taamaasillutillu
aaliangeeqataasinnaallutik akisussaaqataallutillu.
Nerijsaaq pillugu paasissutissat annertunerusut takorusukkukkit nittartagaq
una takuneqarsinnaavat: www.nerijsaaq.gl

Danmarkip aamma Kalaallit Nunaata Kulturimut Aningaasaateqarfiat

Danmarkip Kalaallillu Nunaata Aningaasaateqarfiat kalaallit
aningaasaateqarfii pingasuusut, Kulturimut Aningaasaateqarfik Danmark-
Kalaallit Nunaat 1996-imeersoq, Kalaallit Nunaat pillugu Aningaasaateqarfik
1959-imeersoq kiisalu Folketingip Kalaallit Nunaannut Aningaasaateqarfia,
kattunnerisigut 1. juni 2005 pilersinneqarpoq.
Aningaasaateqarfiup siunertaraa Kalaallit Nunaata Danmarkillu akornanni
kulturikkut attaveqarnerit siuarsarnissaat.
Danmarkip aamma Kalaallit Nunaata Kulturimut Aningaasaateqarfiat pillugu
paasissutissat erseqqinnerusut ukunani takukkit: www.stm.dk

Atuagakkanik atorniartarfiit

Atuagakkanik atorniartarfiit pillugit paasissutissat annertunerusut
nittartakkami uani takuneqarsinnaapput: www.katak.gl

Erinarsorneq, qitinneq nipilersornerlu

Erinarsorneq, qitinneq nipilersornerlu

Illoqarfiit tamarmik nunaqarfiillu arlallit najukkaminni tusarnaartitsisartunik erinarsoqatigeeqarput. Kalaallit erinarsoqatigiit kattuffiat akuttunngitsumik erinarsoqatigiissitsilluni katersuutsitsisarpoq Kalaallit Nunaat tamakkerlugu erinarsoqatigiit katersuuffigisaannik.

Illoqarfiit amerlanersaanni aamma qitittartoqarpoq. Qittasit amerlanertigut Europamiut qittaseraat arfannianit danskinillu nunasiaateqartunit Kalaallit Nunaannut eqqunneqartut.

Qilaatersorneq kalaallit qangarsuarli ileqqutoqaraat ukiuni kingullerni ineritikkiartortinneqaaqqilersoq. Illoqarfinni arlalinni massakkut qilaatersortartoqarpoq.

Nipilersortartut amerlanerit pingaarnermik rockimik popimillu nipilersortartuupput. Kalaallit Nunaata inoqassusaanut naleqqiullugu nipilersortartorpassuaqarpoq nipilersornermik aallutaqartunik, amerlanertigut aningaasarsiutiginau.

Nipilersukkanik saqqummersitsinerit

Atlantic Music aamma Sermit Records aqqutigalugit ukiumut cd-it arlaqaaluttut saqqummersinneqartarput. Kalaallit Nunaanni nuussiorfiit pisoqaanersaat ULO 2006-imi siaruarterisarnissamik Atlantic Music-imut isumaqatigiissuteqarpoq, tamatumunngalu atatillugu nuannarineqarnerpaat nutaanngitsut arlallit ULO-meersut saqqummersinneqaaqqipput.

Atlantic Music cd-nik nutaanik amerlanerpaanik saqqummersitsisartuusooq Nuummi mikisumik immiussisarfiuteqarpoq Københavnimilu taamaattumik anginerusumik peqarluni.

Nipilersukkanik saqqummersitat pillugit paasissutissat erseqqinnerusut uani takukkit: atlanticmusicshop.gl

Kulturikkut Illorsuit

Kalaallit Nunaata Kulturikkut Illorsua – Katuaq

Kalaallit Nunaata Kulturikkut Illorsua Katuaq 1997-imi atorneqalermat anguniagaq tassaavoq kulturikkut attaveqarfiit suleqatigisallu inerisarneri aqqutigalugit kalaallit kulturiannik Kalaallit Nunaanni nunanilu tamalaani qaammarsaanissaq, taamaaliornikkut kalaallit kulturiata pigiinnarnissaa, ineriartortinnissaa ingerlateqqinnissaalu qulakkeerneqassammata.

Inersuaq isiginnaartitsinernut, ataatsimeersuarnernut filmertitsinernullu atorneqartartoq, inersuit mikinerusut arlallit kiisalu neriniartarfik kulturikkut illorsuarmi pigineqarput. Katuap saniatigut NAPA illorsuarmi allaffeqarluni attartortuuvoq.

Katuaq pillugu paasissutissat erseqqinnerusut uani takukkit: www.katuaq.gl

Kulturikkut Illorsuaq Taseralik

Kulturikkut Illorsuaq Taseralik Sisimiuniittoq 2008-mi atorneqalerpoq. Taseraliup Qeqqata Kommunianni eqqumiitsuliornermut kulturikkullu inuunermut ilisimasat siammarternissaat peqataaffigissavaa, taamaaliornikkullu Issuttumi Nunanilu Avannarlerni eqqumiitsuliornermut

kulturikkullu inuunermut innutaasut ilisimasaqarnerulernissaannut
suleqataassalluni.
Sermilik pillugu paasissutissat erseqqinnerusut uani takukkit:
www.taseralik.gl

Kulturikkut Illorsuaq Sermermiut

Kulturikkut illorsuaq Sermermiut 1999-mi atorneqalerpoq. Sermermiunit
eqqumiitsuliorneq kulturilu siammarterneqarput. Sermermiup atuisuminut
erinarsorneq, nipilersornerit, isiginnaartitsinerit, oqalugiarnertit,
ataatsimiinnerit il.il. neqeroorutigineqarput.

Tusagassiuutit

Radio, tv aamma aviisit

Kalaallit Nunaata Radioa (KNR)

Kalaallit Nunaata Radioa (KNR) Kalaallit Nunaata nuna tamakkerlugu
radioqarfigalugulu tv-ikkut aallakaatitsisarfigaa. KNR suliffeqarfiuvoq
namminersortoq pisortanit pigineqartoq Namminersorlutik Oqartussanit
ingerlanneqartoq. KNR-p radiokkut tv-ikkullu aallakaatittagai nuna
tamakkerlugu tusarnaarneqarlutillu isiginnaarneqarsinnaapput. KNR
ingerlanneqarnerminut aningaasanut inatsimmit tapiiffigineqartarpoq.
KNR pillugu paasissutissat erseqqinnerusut uani takukkit: www.knr.gl

Najukkani radio aamma TV

Illoqarfinni arlalinni radiokkut aallakaatitsisarfeqarlunilu tv-ikkut
peqatigiiffeqarpoq. TV-kkut peqatigiiffiit arlalit najukkani TV-qarfinngorlutik
ineriartorsimapput, taakkuuppullu najukkani innuttaasunut KNR-mullu
aallakaatitassianik nutaarsiassanillu nioqqutissiortuusut.

Sinerissami radioqarfiit tv-qarfiillu Sinerissami Takusassiiviit Tusagassiiviillu
Kattuffianni ataatsimoorlutik kattuffeqarput.

Sinerissami tv-qarfiit annerpaat tassaapput Nuuk TV, Sisimiut TV, Arctic TV
Ilulissani, Akisuasooq Radio & TV Maniitsumi aamma Tusaat TV Qaqortumi.

Radioqarfiit annerpaat tassaapput Sisimiut Tusaataat, Nuuk FM, Akisuasooq
Radio & TV aamma Ilulissat Radioa
Radioqarfiit tv-qarfiillu ilaat pillugit paasissutissat erseqqinnerusut ukunani
takukkit: www.nuuktv.gl, <http://www.arcticv.gl/index.php?id=1&lang=dk>
aamma www.akisuasooq.gl

Aviisit nuna tamakkerlugu saqqummersartut

Aviisit marluk nuna tamakkerlugu saqqummertarput,
Atuagagdliutit/Grønlandsposten (AG) aamma Sermitsiaq Nuummi
suliarneqartarput.
Atuagagdliutit/Grønlandsposten pingasunngornerni saqqummertarpoq.
Sermitsiaq tallimannornerit tamaasa saqqummertarpoq.
Atuagagdliutit/Grønlandsposten aamma Sermitsiaq pillugit paasissutissat
erseqqinnerusut uani takukkit: www.sermitsiaq.ag

Najukkani aviisit

Illoqarfinni arlalinni aviiseqarpoq. Illoqarfinni aviisit annerpaat tassaapput
Kujataamiu Nutaaq Qaortumi saqqummersartoq, Nuuk ugeavis
Nuummeersoq aamma Sivdleq Sisimiuni saqqummersartoq.
Najukkani aviisit nittartagaat ukunani takuneqarsinnaapput:
www.sermitsiaq.ag aamma www.silleq.gl

Atuakkiortut aamma atuakkanik saqqummersitsisarfiit

Atuakkiortut

Kalaallit Atuakkiortut peqatigiiffiata atuakkiortut piginneqqaartussaannermut
soqutigisaat suliaraat, ilaasortallu aqutugalugit atuakkanik atorniartarfiit
akiliutaanneersunik 10 procentimik isertitaqartarlutik.

Atuakkiortut peqatigiiffiat pillugu paasissutissat erseqqinnerusut uani
takukkit: www.atuakkiortut.gl

Atuakkanik saqqummersitsisarfiit

Atuakkanik saqqummersitsisarfiit ataani allaaserineqartut atuakkanik
saqqummersitsisarfiit mikinnerusut arlaqarput.

Saqqummersitsisarfik Atuagkat ApS

Saqqummersitsisarfik namminersortoq mikisoq 1994-mi Atuagkat Boghandel
Nuummiittumut atatillugu aallartinneqarpoq. 2005-miilli saqqummersitsisarfik
atuagaarniarfimmit avissaarpoq. Saqqummersitsisarfik Kalaallit Nunaat
pillugu imaluunniit Kalaallit Nunaannut attuumassuteqartunik
saqqummersitsisarpoq.

Saqqummersitsisarfik Atuagkat pillugu paasissutissat erseqqinnerusut uani
takukkit: www.saxo.com/dk/publisher/forlaget-atuagkat.aspx

Milik Publishing

Saqqummersitsisarfik Milik Publishing saqqummersitsisarfeeraavoq.
Saqqummersitsisarfimmit meeqqanut atuakkat pitsaasut oqaluttualiallu
assigineqanngitsut saqqummersinneqarnissaat salliutinneqarpoq.

Milik Publishing pillugu paasissutissat erseqqinnerusut uani takukkit:
www.milik.gl

Ilinniufik Ilinniusianik saqqummersitsisarfik

Ilinniufik Ilinniusianik saqqummersitsisarfik Namminersorlutik
Oqartussat ilinniusianik saqqummersitsisarfiutigaat.

Saqqummersitsisarfik ilinniartitsissutissanik kalaallisut danskisullu meeqqat
atuarfianni killeqartumillu gymnasiami, sulinerimik ilinniarfinni
Ilinniarfissuarmilu atugassanik saqqummersitsisarpoq.

Ilinniufik pillugu paasissutissat annertunerusut nittartakkami uani
takusinnaavatit: www.ilinniufik.gl

Højskolit

Knud Rasmussenip Højskolia

Højskoli Sisimiuniippoq suliffeqarfittullu imminut pigisutut
ingerlanneqarluni. Ukiumut atuartut 40-t højskolertinneqartarput, taakku
saniatigut maanna innarluutillit/innorluutillit arfineq pingasut ukiumut
højskolertittalernikuupput, atuartut januaarimiit maajimut kiisalu
augustimiit decemberimut atuartinneqartarput.

Højskoli pillugu paasissutissat erseqqinnerusut uani takukkit: www.krh.gl

Sulisartut Højskoliat

Sulisartut Højskoliat Qaqortummiittoq 51-nik ineeraqarpoq 84-nik siniffissaqarluni.

Højskoli sulisut sinnisaannik SIK-meersunik pikkorissartitsisarpoq, tamatumalu saniatigut nalinginnaasumik innuttaasunut højskoliulluni ilaatigut nuna tamakkerlugu ukiumi ilinniartunut aammalu ataatsimeersuartitsinernut nunani avannarlerneersunut atorneqartarluni. Taakku saniatigut højskoli takornarissanut sammisassaqartitsinissamik neqerooruteqartarpoq. Sulisartut Højskoliat pikkorissarnermut ilinniartitsinermullu nutaanik IT-nik atortorissaaruteqarpoq.

Folkehøjskolit pillugit Inatsisartut inatsisaat nr. 24, 18. november 2010-meersoq malillugu højskolit ilinniakkamik piginnaanngortitsisumik ilinniartitsisinnaalerput.

Suliartut højskoliat pillugu paasissutissat erseqqinnerusut uani takukkit: www.sulisartut.gl

Peqatigiiffeqarneq

Kalaallit Nunaanni Timersoqatigiit Kattuffiat (GIF)

Kalaallit Nunaanni Timersoqatigiit Kattuffiat timersoqatigiiffiit arfineq pingasuusut Kalaallit Nunaat tamakkerlugu peqatigiiffinnik 240-nik ilaasortaaffigineqartut kattuffigaat.

Timersuutit arlallit allat timersuutit aalajangersimasut avataanni peqatigiiffinnut ataasiakkaanut kattussuunneqarput.

Kalaallit Nunaanni Timersoqatigiit Kattuffiat pillugu paasissutissat erseqqinnerusut uani takukkit: www.gif.gl

Takussutissiaq 1

Kalaallit Nunaanni Timersoqatigiit Kattuffiata ataani timersoqatigiiffiit

	2007	2008	2009	2010	2011	0-14 år	15-18 år	19-30 år	31+ år	Pas- sive
Katillugit	16.439	18.110	18.036	15.585	14.681	3.303	1.449	2.331	2.530	5.068
Qaannat kattuffiat	761	671	717	356	592	57	25	36	67	407
Kalaallit Nunaanni volleyballertartut kattuffiat	524	857	629	403	430	64	63	149	93	61
Kalaallit Nunaanni håndboldertartut kattuffiat	2.286	2.971	2.526	1.748	1.555	440	261	355	120	379
Kalaallit Nunaanni Badmintonertartut kattuffiat	1.217	1.007	1.182	1.453	1.351	419	175	171	404	182
Kalaallit Nunaanni arsartartut kattuffiat	6.119	7.227	7.529	6.567	5.823	1.170	587	1.110	981	1.975
Kalaallit Nunaanni Taekwon- dotartut kattuffiat	794	957	645	677	638	255	38	42	37	266
Kalaallit Nunaanni Bordtennisertartut kattuffiat	1.171	981	582	690	665	177	107	89	90	202
Kalaallit Nunaanni sisorartartut kattuffiat	1.767	1.670	1.731	1.685	2.179	411	156	309	376	927
Peqatigiiffiit kattuffiit avataaniittut	1.800	1.769	2.495	2.006	1.448	310	37	70	362	669

Najoqqutaq: Kalaallit Nunaanni timersoqatigiiffiit kattuffiat

SORLAK Kalaallit Nunaanni meeqqat inuusuttullu

Siunnersuisoqatigiiffiat

SORLAK meeqqat inuusuttullu piumassutsimik kattuffiit peqatigiiffiinullu kattuffiuvoq.

SORLAK pillugu paasissutissat erseqqinnerusut uani takuneqarsinnaapput:

www.sorlak.gl

INUTEK Nunatsinni Teknikikkut Suliniaqatigiit

INUTEK inuit, ingerlataqartut suliffeqarfiillu Kalaallit Nunaanni issittumilu nunani allani teknologimik ilisimatusarnermillu soqutigisallit pillugit ilisimasaqartut suliaasaqarfiit akimorlugit attaveqatigiinnissaannik anguniagartuuvoq. Anguniagaasut ilagaat teknologiikkut ilisimatusarnerup ineriartortitsinerullu sunnarniarnissaa issittumi avatangiisitigut inuiaqatigiillu tungaatigut atugarisat eqqarsaatigalugit.

INUTEK pillugu paasissutissat erseqqinnerusut uani takukkit: inutek.gl

Det Grønlandske Selskab

Det Grønlandske Selskabip anguniagaraa Kalaallit Nunaannik annerusumik ilisimaqalernissaq aamma Danskit/Kalaallit suleqatigiinnerisa tapersersornissaat.

Selskabip atuagassiat immikkut ittut arlallit saqqummersittarpai, 1953-imiillu atuagassiaq Grønland kalaallinut issittumullu tunngasunik atuagassartalik saqqummersittalerlugu.

Det Grønlandske Selskab pillugu paasissutissat erseqqinnerusut uani takukkit: www.groenlandselskab.dk

Ilagiit

Ilagiit

Kalaallit Nunaat danksit ilageeqarnerisa iluanni nammineerluni biskoppeqarfiuvoq nammineq biskopilik oqaluffissaarsualillu.

Namminersorlutik Oqartussat ataani inissisimalluni.

Ilagiit qitiusumik allaffissornikkut biskoppeqarfimmit ingerlanneqarpoq

Kalaallit Nunaat provsteqarfinnut pingasunut avinneqarpoq, taakkununga ilaallutik palaseqarfiit 17-it.

Ilagiit pillugit paasissutissat erseqqinnerusut uani takukkit: www.ilagiit.gl

Takussutissiaq 1

Palasit ajoqillu

Ajoqit				
Ukioq	Palasit	Ilinniarsimasut	Ilinniarsi-manngitsut	Katillugit
2011	23	58	30	111
2010	22	55	33	110
2009	24	50	30	104
2008	23	50	23	73
2007	26	57	27	84
2006	27	49	34	83
2005	26	46	32	78
2004	23	48	24	72
2003	26	49	26	75
2002	25	45	34	79

Najoqqutaq: Biskoppip allaffia

Takussutissiaq 2

Kuisittut, apersortittut katittullu amerlassusaat

Ukioq	Kuisittut 1)	Apersortittut 1)	Katittut 1)
2011	637	874	165
2010	669	833	195
2009	685	957	174
2008	694	1.003	234
2007	704	1.009	217
2006	800	1.026	233
2005	812	993	251
2004	857	1.017	237
2003	746	966	180
2002	799	1029	227

Malugiuk: 1) Inuit kommunit avataani najugaqartut ilanngullugit kisinneqanngillat.

Najoqqutaq: Biskoppip allaffia

Takussutissiaq 3

Oqaluffinni init amerlassusaat

Ukioq	2002	2003	2004	2005	2006	2007	2008	2009	2010	2011
Oqaluffinni init	82	89	83	84	92	78	80	79	78	79

Najoqqutaq: Biskoppip allaffia

Nunatta Karsiata kulturimut aningaasartuutai

Tabel 1

Nunatta Karsiata kulturimut aningaasartuutai

	2003	2004	2005	2006	2007	2008	2009	2010	2011	2012
	Mio. kr.									
Aningaasartuutit katillugit	169	162	162	155	158	160	166	165	169	174
Sanaartornermut aningaasartuutit	19	10	0	-	-	-	-	-	-	-
Ingerlatsinermut katillugit	150	152	161	155	158	160	166	165	169	174
Kalaallit Nunaata Radio	51	52	55	55	56	57	60	60	62	63
Radioa/tv-distribution	32	32	36	30	30	27	27	26	25	25
Nunatta Atuagaateqarfia	14	13	13	14	14	13	14	14	13	13
Katersugaasivit 1)	8	9	9	9	9	8	9	8	8	8
Højskolet	11	11	11	11	11	11	12	12	11	12
Eqqumiitsulionemut Atuarfik	1	1	1	1	1	1	1	1	1	1
Katuaq	5	5	5	5	5	5	5	5	5	5
Kulturimut tunngasut allat 2)	29	30	32	30	32	37	37	39	38	38
Nunatta isiginnaartitsisarfia									6	9

Malugiuk: 2011-mi 2012-milu missingersuutit pineqarput.

Nassuiaatit: 1) Kalaallit Nunaata Katersugaasivia Allagaateqarfialu, kiisalu katersugaasivinnut allanut tapiissutit. 2) Tapiissutit kulturimut tunngasut Danmarkimi Kalaallit Illuini tapiissutinik imaqarput.

Najoqqutaq: Landskarsip naatsorsuutai Aningaarsanut inatsit 2011 aamma 2012

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Saaffiginniffissaq

E-mail: stat@stat.gl

Kulturi, qaammarsaaneq ilageeqarnerlu

2. maj 2012

Grønlands Statistik

Postboks 1025 · 3900 Nuuk

Tlf.: +299 36 23 60 · Fax: +299 36 23 61

www.stat.gl · e-mail: stat@stat.gl

